



UNIVERSITÄTS-  
BIBLIOTHEK  
PADERBORN

**COLLATIO-||NVM SACRARVM|| LIBRI VIII.|| Tilmanni  
Bredenbachij S. Th. D.||**

**Bredenbach, Tilmann**

**Coloniae Agrippinae, 1592**

**VD16 B 7378**

21. De quodam hæretico presbytero, qui in conuiuio consignatione ciborum præuertere volens Catholicum presbyterum, illiq[ue] illudere, vltione diuina percussus interijt.

---

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

miraculo, renunciarunt prauæ opinioni, no-  
stramque sunt complexi Catholicam fidem.  
Imperator verò vt rem gestam cognouit, re-  
spicit quidem Arianorum prauæ sententium  
voluntatem: neque enim poterat Dei & diui-  
ni patris nostri Basilij iudicium reprehende-  
re: attamen cordis oculis obtenebratis, instar  
multorum permansit obstinatus & inflexibi-  
lis, neq; se ad Dominum voluit conuertere, at-  
que tandem infeliciter pugnans, in bello red-  
didit spiritum, palearum flammis concrema-  
tus in Thraciæ partibus, inde missus in pœnas  
ignis æterni.

*Gregorius Turonensis lib. 1. de gloria martyrum cap.  
10. De quodam hæreticorum presbytero, qui in con-  
uincio consignatione ciborum, præuere volens Ca-  
tholicum presbyterum, illiq; illudere, vltione diu-  
na percussus, interiit.*

## CAP. XXI.

**S**emper Catholicorum inimica est hære-  
sis, & vbiq; potuerit tendere insidias,  
non obmittit, sicut illud est, quod quodam  
loco factum celebre fama profert. Mulier  
quædam erat Catholica, habens virum hære-  
ticum, ad quam cum venisset presbyter no-  
stræ religionis valde Catholicus, ait mulier  
ad virum suum: Rogo charitatem tuã, vt pro  
aduentu huius sacerdotis, qui me visitare di-  
gnatus est, lætitia habeatur in domo nostra, ac  
preparatum dignis impendiis prandium epu-  
lemur



lemur cum eo. Promittente autem viro eius, sic se vt illa flagitabar facturum, aduenit & alius hæreticorum presbyter, dixitq; vir mulieri, Duplicata est hodie latitia, eò quòd sint sacerdotes vtriusque religionis in domo nostra. Discumbentibus autem ad conuiuium, vir ille cum presbytero dextræ partis cornu occupat, Catholicum ad sinistram statuens, positaque ad leuam eius sellula, in qua conuiuium eius resideret. Dixit vir ad presbyterum hæreticum, si consenseris dictionibus meis, exerceamus hodie cachinnum de hoc Romano- rum presbytero, vt scilicet appposito ferculo, tu celerius signare festines. Cumque ille manum non posuerit, illo tristante nos cum latitia commedemus cibum. Cui ille, faciam, inquit, quod præcipis. Denique veniente disco cum oleribus, signauit hæreticus, posuitque primus manum suam. Quod cerneus mulier, ait: Ne feceris, quia ingrati fero iniuriam sacerdotis. Et exhibitio alio cibo sumpsit Catholicus. In secundo verò & tertio ferculo similiter fecit hæreticus. Quarto autem exhibitio cuius in medium sartago aduenerat, in qua compositus erat cibus ille, qui ex collis ouis parum permixta farina, dactylorum partibus oliuarumque rotunditatibus assoleat, exornari. Festinans hæreticus, priusquam ferculum illud vel mensam tangeret, eleuata in obuiam manu, signa, statimque positum cochlearium, sumit





sumit, non intelligens an caleret, feruentem-  
que cibum velociter inglutit. Protinus ac-  
censso pectore astuare cœpit, emissoque cum  
suspirio, immenso ventris strepitu, nequam  
spiritum exhalauit: ablatusq; de conuiuio, lo-  
catus in tumulto, terrenæ molis congerie est  
operus. Tunc exultans presbyter nostræ reli-  
gionis, ait, Verè vltus est Deus seruos suos. Et  
conuersus ad virum, cuius erat conuiuium, di-  
xit: Perit huius memoria cum sonitu, & Do-  
minus in æternum permanet. Tu verò appone  
quod comedam. Tunc homo ille perterritus,  
expleto conuiuio, prouolutus est ad pedes  
presbyteri, conuersusque ad fidem Catholi-  
cam, credidit cum domo sua, qui in hæc perfid-  
ia tenebatur, & multiplicata est læticia, sicut  
prius mulier flagitauerat.

*Gregorius Turonensis lib. 1. de gloria martyrum cap.  
18. De Catholica religione per miraculum confir-  
mata contra presbyterum Arianum.*

## CAP. XXII.

**A**rianorum presbyter cum diacono no-  
stræ religionis altercationem habebat,  
profertens contra DEI filium ac Spiritum  
sanctum, vt mos est genti, venenosas asser-  
tiones. At ille cum diu multumque nonnul-  
la de fidei nostræ ratione differuisset, & hære-  
ticus perfidie obcoæcatus caligine, quæ erant  
væta respuerat, iuxta illud; Quia in maleuo-  
lenti animam non introibit sapientia: adiecit

It 7 dicens: